



Indgået

- 2 MAR. 2018

Aaja Chemnitz Larsen
Inatsisartunut ilaasortaq
Inuit Ataqatigiit

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Ilinniartutut atorfiit siuarsarnissaannut tunngatillugu § 37-mut tunngasutut apequt nr. 63

01-03-2018
Sagsnr. 2018 - 4759

1. Pisortat suliffeqarfiini ilinniartutut atorfiit amerlisarniarlugit Naalakkersuisut qanoq iliuuseqarpat?

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Akissut:

Ilinniartutut inissat sulisitsisup ilinniartullu akornanni kiffaanngissuseqartumik isumaqatigiissutaasarpur. Illoqarfinni ataasiakkaani tamani Majoriap ingerlatsivii ilinniartunut ilinniagaqarnermut suliffimmilu sungiusarnermik ilitersuisarnerit ingerlappai, ilaatigullu qinnuteqarnermi immersugassat immersornerannut ikiuisarluni, aamma ilanngussassatut pisariaqartut tamaasa piginissaannik qulakkeerinnittarluni. Majoriap ilinniartunut saqqummiussaqaqarnermut ingerlattaq isumagisarpaa, ilinniartut isumaqatigiissutissaannik suliaqartarpoq, aammalu suliffiup ilinniarfiup attaviginissaa isumagisarlugu. Ilinniartutut ingerlataqarnerup nalaani Majoriap qitiusumik ilinniarfinnut attaveqarneq isumagisarpaa, aammalu illuatungeriit pingasut akornanni oqaloqatigiinnerit isumagisarlugit.

2011-miilli ilinniartut malunnartumik ikileriarsimmammata inatsisissatut siunnersuummi nutaami pisortanut aamma pisortat suliffeqarfiutaannut ilinniartunut piumasaqaatip aalajangiunnissaanut Naalakkersuisut pilersitaqarsimapput. UKA 2017-imi *Ilinniartut sungiusartullu atorfinitsinnerini pisortat suliffeqarfiillu inuiaqatigiinni akisussaaffeqarnerat pillugu Inatsisartut inatsisissaattut siunnersuut* siullermeerlugu oqaluuserineqarpoq, 2018-imi upernaakkut ataatsimiinnerup nalaani suliareqqinneqassalluni. Piffissami ukiunik sisamanik sivisussusilimmi maannakkut pisortat oqartussaaffiini ilinniartunut inissat 321-nit 518-inut tamatuma amerlinissat naatsorsuutigineqarpoq.

Aamma ilinniagaqarnerup iluarsaaqqinneranut tunngatillugu suliamik, aamma inuussutissarsiornermik ilinniagaqarnermut suliaasaqarfiup iluani iluarsaaqqinnermik nassataqartumik Naalakkersuisut aallartitaqarsimapput.

2. Inuiaqatigiinni pisortat suliffeqarfii taamak amerlatigitillugit namminersorlutik inuussutissarsiorlutut pisortat suliffeqarfiutaanni

**amerlanerusunik ilinniartuuteqarnerat Naalakkersuisut
naapertuuttutut isigaat?**

Akissut:

Annertuumik ilinniartut inuiaqatigiinnut iluanaarutaasuunerat Naalakkersuisut erseqqissumik ilisimavaat. Suliffeqarfiit namminersortut ilinniartunik atorfinitsitsisarput, pissutigerpjarlugu suliffeqarfiup ingerlatarineranut ilinniartut ilaqutaasarnerat, naggataagullu suliffeqarfimmut aningaasaliissutaammat pitsaasoq. Ilinniartuuteqarneq Naalakkersuisut isumaat malillugu tassaangilaq suna naammaginaruunersoq, apeqqutaaneruvorli iluaqutissarpasuit takusinnaanissaat. Namminersortut susassaqarfianni aammattaaq ilinniartut amerlassusii malunnartumik ikileriarsimapput assersuutigalugu kiffartuussinermi, niuernermi aammalu illuliortiternermi sanaartormilu susassaqarfinni.

Taamaattumik 2017-imi ukiakkut ataatsimiinnermut ilinniartunik sungiusartunillu atorfinitsitsinerni pisortat suliffeqarfiillu inuiaqatigiinni akisussaaffeqarnerat pillugu inatsisissatut siunnersuut Naalakkersuisut saqqummiussimavaat. Inatsisissatut siunnersuut ataatsimiinnerup nalaani siullermeerlugu oqaluuserineqarpoq, 2018-imilu upernaakkut ataatsimiinnerup nalaani oqaluusereqqinneqassalluni.

**3. Ilinniartunik ilinniartitsinikkut pisortat suliffeqarfiisa inuiaqatigiinni
akisussaaqataanerat patajaallisarniarlugu Naalakkersuisut
suliniuteqalersaarpat?**

Akissut:

UPA 2018-imi aappassaaneernissaanut pingajussaaneernissaanullu ilinniartunik sungiusartunillu atorfinitsitsinerni pisortat suliffeqarfiillu inuiaqatigiinni akisussaaffeqarnerat pillugu inatsisissatut siunnersuut Naalakkersuisut saqqummiuppaat. Taamaaliornikkut pisortat suliffeqarfiutaanni ilinniartunut inissat malunnartumik amerlanerusut qularnaarnissaat Naalakkersuisut kissaatigaat.

**4. Pisortat sanaartorneranni sanaartortunut taakkulu suliffeqarfinnik
sulititaannut soorlu aalajangersimasunik amerlassusilinnik
ilinniartoqarnissamik piumasqaateqarnikkut, inuiaqatigiinni
akisussaaqataanissamik piumasqaateqartoqartarpa?**

Akissut:

Sanaartornermi ilinniartoqarneq pillugu Namminersorlutik Oqartussat nalunaarutaat nr. 10, 12. juli 2010-meersumi § 2 malillugu tamanut ammasumik

sanaartugassaq 3-6 millioner koruunit akornanni naleqarpat ikinnerpaamik ilinniartumik ataatsimik atorfinitsitsisoqassalluni, sanaartugassaq 6-9 millioner koruunit akornanni naleqarpat ilinniartut marluk atorfinitsinneqassallutik, aamma sanaartugassaq 9 millioner koruunit sinnerlugit naleqarpat ilinniartut pingasut atorfinitsinneqassallutik.

Taamaattorli ilinniartunut nalunaarutip sunniutigisaa nalorninartuusoq paasineqarsimavoq, suliffeqarfiutillit illuliornermik sanaartornermillu suliassani tigusingerminni piviusutigut ilinniartut atorfinitsitani suliavit allamit ingerlanneqartumit nuuginnarsinnaasarmatigit. Tamatuma nassatarisaanik ilinniartunik sungiusartunillu atorfinitsitsinerni pisortat suliffeqarfiillu inuiaqatigiinni akisussaaffeqarnerat pillugu inatsisissatut siunnersuut Naalakkersuisut saqqummiussimavaat, tassanilu tamanut ammasutut sanaartugassanik neqeroorutaasuni ilinniartut atorfinitsinnissaannut piunasaqaatinik kapitali 7 aamma 8 aalajangersakkanik aalajangiisuullutik. Taamaalilluni illuliortiternerit sanaartornerillu pillugit isumaqatigiissutini pisortanit atsiorneqartuni ilinniartut atorfeqartit ilaatinnissaat qularnaarneqarpoq.


Tamatumunnga uiggiullugu Naalakkersuisut sanaartortitsisunut neqeroortitsinermi atugassamik ilitersuutissamik piareersaapput, tassunga immikkut ittutut illuliortunilu sanaartornerni ilinniartut atorfinitsinnissaannut piunasaqaatit oqaasertalernissaat ilaalluni.

5. Pisortat namminersortullu suliffeqarfiini ilinniartut praktikkertullu amerlanerulernissaat qulakkeerniarlugu Naalakkersuisut qanoq iliuseqarsinnaappat?

Akissut:

UPA 2018-imi aappassaaneernissaanut pingajussaaneernissaanullu ilinniartunik sungiusartunillu atorfinitsitsinerni pisortat suliffeqarfiillu inuiaqatigiinni akisussaaffeqarnerat pillugu inatsisissatut siunnersuut Naalakkersuisut saqqummiuppaat. Taamaaliornikkut pisortat suliffeqarfiutaanni ilinniartut inissat malunnartumik amerlanerusut qularnaarnissaat Naalakkersuisut kissaatigaat.

Inussiarnersumik inuulluaqqusillunga


Hans Enoksen